



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-624-2/21**

Datum: **01.02.2022. godine**

„Agencija za vodno područje rijeke Save“ Sarajevo rješavajući po zahtjevu investitora, „ASTA BOSNIA“ doo Tuzla, „ASTA Bosnia“ doo Cazin, za donošenje rješenja o vodnoj saglasnosti za ispuštanje tehnoloških otpadnih voda koje nakon upotrebe dopijevaju u vode, sa lokacije poslovnog objekta Fabrika za proizvodnju i pakovanje bakarne žice, predviđenog za gradnju u Poslovnoj zoni „Ratkovac“, Grad Cazin, na osnovu člana 109. stav (1) tačka 2., a u vezi sa članom 114. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj saglasnosti**

1. Investitoru, „ASTA BOSNIA“ doo Tuzla, „ASTA Bosnia“ doo Cazin, daje se vodna saglasnost za ispuštanje tehnoloških otpadnih voda sa lokacije poslovnog objekta fabrike za proizvodnju i pakovanje bakarne žice, predviđenog za gradnju na zemljištu označenom kao k.č. broj: 2111/1, 2166/2, 2019/3 i 2112/1 K.O. Begove kafane, u naselju Čoralići – poslovna zona „Ratkovac“, Grad Cazin, a u skladu sa dostavljenom revidiranom projektnom dokumentacijom:
 - Glavni projekt sakupljanja, tretmana i ispuštanja otpadnih voda sa objekta za proizvodnju i pakovanje bakarne žice, sa lokacije predviđene za izgradnju objekta fabrike kako je navedeno, urađen od strane EUROING d.o.o. Bihać urađen pod brojem AGP 01-12/21, decembra 2021. godine,
 - Revidiran od strane TQM d.o.o. Lukavac; broj: 10-151-21, protokol 4384/21, dana 15.12.2021. godine, u Lukavcu, a u postupku pribavljanja građevinske dozvole.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije navedene u tački 1. ovog Rješenja, koja se ovjerena od strane ove Agencije u skladu sa odredbama člana 114. stav (3) Zakona o vodama, vraća investitoru na trajno čuvanje i čini sastavni dio ovog rješenja.

Vodna saglasnost se daje pod slijedećim uslovima:

 - 3.1. Radove na izgradnji sistema za sakupljanje, tretman i ispuštanje otpadnih voda sa lokacije objekta za proizvodnju i pakovanje bakarne žice izvesti u skladu sa projektnom dokumentacijom iz tačke 1. dispozitiva ovog Rješenja.
 - 3.2. Od isporučioća separatora pribaviti garanciju da će parametri kvaliteta prečišćenih voda biti u granicama propisanih vrijednosti, definisanih u tabeli 1. Priloga 23. Uredbe o uslovima ispuštanja tehnoloških otpadnih voda u prirodne recipijente i sisteme javne kanalizacije (službene novine Federacije BiH, broj 26/20 i 96/20).

- 3.3. Način ugradnje separatora i stavljanje istog u pogon uskladiti sa proizvođačem opreme u svim fazama, u skladu sa EN-858-2 (sa koalescentnim filterom i automatskim zatvaračem).
- 3.4. Obavezno postaviti mjerač temperature za kontrolu vode, te vršiti kontrolu temperature vode prije ispuštanja viška vode iz bazena za recirkulaciju, u recipijent rijeku Mutnicu.
- 3.5. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
- 3.6. Otpadne tehnološke vode iz lakirnice, drawing i rolling mašina ne smiju se ispuštati u okoliš, već iste zbrinjavati u PVC spremnike kapaciteta 1000 litara i konačno zbrinjavati od strane ovlaštenog pravnog lica, a prema posebnom ugovoru. Do odvoza PVC spremnike pohranjivati u namjenske AB tankvane.
- 3.7. Izvršiti ugradnju kanalisa, slivnika i sl., te asfaltiranje svih manipulativnih površina sa nivelisanjem, ili betoniranjem površina, a prema projektnoj dokumentaciji na osnovu koje se pribavlja odobrenje za gradnju.
- 3.8. Na osnovu analize utjecaja velikih voda rijeke Mutnice urađene od strane „Euroing“ doo Bihać, broj HA 07-05/20, utvrđeno je da predmetna parcela predviđena za gradnju objekta neće doći pod uticaj velikih voda 1/100, iz tog razloga neophodno je ispoštovati planiranu kotu nule objekta predviđenu projektom od 271,80 m n.m. (utvrđeno je da se parcela za gradnju nalazi na visini 270,00 m n.m.)
- 3.9. Materijal iz iskopa i građevinski otpadni materijal se ne smije privremeno niti trajno odlagati na prostoru vodnog dobra, odnosno u korita i na obale vodotoka.
- 3.10. Nakon polaganja interne kanalizacije mreže izvršiti ispitivanje iste na vodonepropusnost i sačiniti zapisnik o izvršenom ispitivanju i isti ovjeriti.
- 3.11. Tokom izvođenja radova, neophodno je poduzeti sve potrebne mjere zaštite, kako predmetnim aktivnostima ne bi došlo do nastanka štete ili nepovoljnih posljedica po vode i vodni režim te postojeće korisnike voda.
4. Ukoliko se tokom izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine Federacije BiH“ broj: 31/15, 55/19 i 41/20).
6. Ovom Rješenju o vodnoj saglasnosti prestaje valjanost istekom roka od **dvije godine** od dana pravosnažnosti iste, ukoliko u tom roku ne bude pribavljeno odobrenje za građenje i započeta izgradnja objekta.
7. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, „ASTA BOSNIA“ doo Cazin, obratio se ovoj Agenciji dana 30.12.2021. godine, zahtjevom za izdavanje vodne saglasnosti za ispuštanje tehnoloških otpadnih voda koje nakon upotrebe dospijevaju u vode sa lokacije poslovnog objekta fabrike za proizvodnju i pakovanje bakarne žice, predviđenog za gradnju na zemljištu označenom kao k.č. broj: 2111/1, 2166/2, 2019/3 i 2112/1 K.O. Begove kafane, u naselju Ćoralici – poslovna zona „Ratkovac“, Grad Cazin.

Uz zahtjev za izdavanje vodne saglasnosti dostavljena je slijedeća dokumentacija:

A) Opća dokumentacija

- Ovjerena kopija Rješenja o izmjenama podataka po prijavi „ASTA Bosnia“ d.o.o. Cazin, izdato od strane Općinskog suda u Bihaću pod brojem: 017-0-Reg-21-000320, dana 28.05.2021. godine,
- Ovjerena kopija Uvjerenja o registraciji poreznog obveznika izdato od strane Porezne uprave Federacije BiH dana 11.03.2021. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza izdato od strane Uprave za indirektno-neizravno oporezivanje Banja Luka pod brojem: 04/1-17-1-UPJR/1-1934-2/21, dana 06.04.2021. godine,
- Kopija Rješenja o prethodnoj vodnoj saglasnosti broj UP-I/25-1-40-171-5/20 od 08.06.2020. godine izdatog od strane AVP rijeke Save Sarajevo,
- Kopija naloga za plaćanje upravne pristojbe,
- Kopija Rješenja o okolišnoj dozvoli izdato od strane Ministarstva za građenje, prostorno uređenje i zaštitu okoliša Vlade USK pod brojem: 11-19-3694-UP-1/20 od 21.09.2020. godine, na period od 5 godina,
- Prethodno odobrenje za priključenje, kojom operator javnog gradskog vodovodnog i kanalizacionog sistema JKP „Vodovod“ doo Cazin, odobrava priključenje investitoru „Asta Bosnia“ doo Tuzla na postojeću vodovodnu mrežu i fekalnu kanalizaciju, izdato pod brojem: 05-19-07-07-1/20, dana 22.05.2020. godine,
- Lokacijska informacija (kopija) za izgradnju tvornice za proizvodnju i pakovanje bakarne žice sa pratećim sadržajemna na zemljištu označenom kao k.č. brojevi: 2109/3, 2111/1, 2112/1 i 2166/2, sve K.O.Begove kafane – poslovna zona „Ratkovac“, izdata od strane Službe za urbanizam i zaštitu okoliša Grada Cazina pod brojem 04-19-13372/20 dana 20.04.2021. godine,

B) Projektna dokumentacija

- Glavni projekt sakupljanja, tretmana i ispuštanja otpadnih voda sa objekta za proizvodnju i pakovanje bakarne žice, sa lokacije predviđene za izgradnju objekta fabrike kako je navedeno, urađen od strane EUROING d.o.o. Bihać urađen pod brojem AGP 01-12/21, decembra 2021. godine,
- Izvještaj o reviziji Glavnog projekta, urađen od strane TQM d.o.o. Lukavac; broj: 10-151-21, protokol 4384/21, dana 15.12.2021. godine, u Lukavcu.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 19. Pravilnika o sadržaju, obliku, uvjetima, načinu izdavanja vodnih akata.

Uvidom u dostavljeni Glavni projekat utvrđeno je:

Da je projektna dokumentacija izrađena i revidirana od strane pravnih lica sa ovlaštenjem.

Poslovni objekt „fabrika za proizvodnju i pakovanje bakarne žice“ predviđen je za gradnju u naselju Ćoralići uz regionalni pravac R 403 sa sjeverne strane objekta i rijeke Mutnice sa južne strane objekta, u poslovnoj zoni „Ratkovac“, grad Cazin, na zemljištu označenom kao k.č. brojevi: 2109/3, 2111/1, 2112/1 i 2166/2, sve K.O. Begove kafane, grad Cazin.

Projektnom dokumentacijom je planirano da se objekat snabdijeva vodom sa javnog gradskog vodovodnog sistema prema uvjetima operatora istog.

Otpadne tehnološke vode sa radnih površina će se prikupljati slivnicima te kanalizacionom mrežom odvesti do uređaja za tretman otpadnih tehnoloških voda, a oborinske onečišćene vode koje mogu biti zauljene, koje na predmetnoj lokaciji nastaju u kontaktu oborinskih voda sa manipulativnim, saobraćajnim i parking površinama će se prikupljati putem slivnika i kanalizacionom mrežom odvesti do separatora ulja i masti na potrebni tretman, a zatim prečišćene preko okna za monitoring ispustiti ukopanim odvodnim cjevovodom u planirani recipijent – fekalnu kanalizaciju.

Prikupljanje oborinskih voda sa krova nadstrešnice-nezagađene oborinske vode, riješit će se putem krovnih slivnika, vertikalama niz objekat, te kanizacionim cijevima odvesti i direktno ispustiti u recipijent, prema projektnoj dokumentaciji.

Predviđeni su sadržaji: - proizvodna hala sa proizvodnim prostorom, skladištem sirovina, skladištem gotovih proizvoda, restoranom, čajnom kuhinjom, sanitarijama, svlačionicama i administrativnim prostorom, - natkriveni prostor utovarnih rampi, - interne saobraćajne površine, - pješačke i zelene površine, - interne hidroinstalacije sa prečistačima potencijalno zauljenih oborinskih voda, i slično. Proizvodni asortiman se uglavnom odnosi na: - pojedinačni i višestruki provodnici, - automobilska bakarna žica, - CTC, - izolirana žica, - žica za zatezanje, - neizolirana žica, - „Roebel“ šipke, - komponente za visoki i niski napon, - E – mobilni proizvodi, - obična i emajlirana ravna bakarna žica. U objektu su planirani slijedeći funkcionalni odjeli: - odjel za izvlačenje (sirova okrugla bakarna žica se stanjuje i ujednačuje do postizanja željenog prečnika žice. Predviđene su dvije linije podržane sistemima za filtriranje emulzija i električnih ormara), - odjel za valjanje (plastična deformacija na okruglu valjanu žicu kako bi se dobila bakarna žica ravnog oblika. Predviđene su tri linije podržane emulzijskim sistemima za filtriranje, električnim ormarima i sistemom za odstranjivanje bakarnih čestica), - odjel za emajliranje (sastoji se od 4 seta po 12 linija za emajliranje. Emajl je isparljiv i eksplozivan/zapaljiv, a predviđena su 4 dnevna spremišta emajla. Emajliranje predstavlja temeljni postupak vrlo tankog nanosa izolacija na bakarnu žicu na cca 800° C, pri čemu se oslobađaju otrovni spojevi koji se moraju filtrirati Hi-Tec filterima, prije ispusta u atmosferu), - skladišta emajla i strip zone (u strip zoni su predviđeni sadržaji: - garderobe i toaleti, - centralni prostor za sastanke u proizvodnom dijelu hale, - srednja prostorija za sastanke u odjelu za emajliranje, - prostorija za sastanke u CTC odjelu, - laboratorijska soba, - prostor stroja za premotavanje i vaganje, - skladišta za emajliranje, - uredi sa staklenim zidovima, - kontrolni toranj sa staklenim zidovima, - ured za nadzor, - ured za predvodnike/voditelje tima, - ured za upravljanje skladištem, - CTC odjel za transport (proizvodi namijenjeni energetske transformatorima za sve primjene), - odjel za oblaganje papirom (izolacija/posebni izolacijski višeslojni papir/ gole i emajlirane ravne žice te izolacija okrugle bakarne žice iz procesa Conform), - odjel „Roebel“ šipke (šipkasti ili trakasti snopovi u mehanički predmontiranom tipu. Pridonosi povećanju presjeka bakra za jednu traku unutar snopa. Pakuju se kao ravne ili zamotane žice, dužine, obično 8 metara i koriste se za generatore i motore), - Conform odjel (toplotna deformacija kontinuiranog istiskivanja sirove okrugle gole bakarne žice, koja se dalje oblaže papirom ili se skladišti kao gotov proizvod. Sastoji se od ulaznog skladišta, skladišta gotovih proizvoda, skladište papirnih proizvoda), - odjel glavnog skladišta (skladištenje sirovina - bakar i papir) i skladištenje gotovih proizvoda iz proizvodnih procesa, - odjel pomoćnih procesa (proces premotavanja/premotavanje kalemova koji imaju problem s kvalitetom bakra. Predviđena su tri stroja za premotavanje, * abrestler/odvaja preostalu bakarnu žicu na kalemima i odvaja oštećene i namotaje slabog kvaliteta/predviđena su dva stroja, * rezanje papira/uzdužno rezanje širokih rolni papira na užu rolne, * kontrola kvaliteta/na kraju procesa emajliranja, na kraju CTC procesa i na kraju procesa oblaganja papirom, a obavlja se za strujni krug, izolaciju i sl., - bočne prostorije (hemijsko područje sadrži: centralno skladište ulja i maziva, sistem za pripremu vode /osmoza i dr./, odjeljci ili skladište za hemikalije /epoksi, emajl, otapalo, i sl./; mehaničko područje sadrži: električno i mehaničko održavanje, kompresorska stanica, kotlovnica, transformator), - nadstrešnica.

Potrebne količine vode za sanitarne potrebe se planiraju obezbijediti priključkom na javni gradski vodovodni sistem, za šta je pribavljeno prethodno odobrenje operatora sistema.

Za protivpožarne i tehnološke potrebe je predviđeno da se izgradi podzemni bazen ispod objekta koji bi se punio kišnicom sa krovova objekta.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-I/25-1-40-171-5/20 od 08.06.2020. godine, izdane od strane Agencije za vodno područje rijeke Save, Sarajevo, te je shodno članu 114. Zakona o vodama, izdano rješenje o vodnoj saglasnosti upisivanjem broja i stavljanjem otiska pečata ove Agencije na revidiranu projektnu dokumentaciju:

- Glavni projekt sakupljanja, tretmana i ispuštanja otpadnih voda sa objekta za proizvodnju i pakovanje bakarne žice, sa lokacije predviđene za izgradnju objekta fabrike kako je navedeno, urađen od strane EUROING d.o.o. Bihać urađen pod brojem AGP 01-12/21, decembra 2021. godine,

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata. Podnosilac zahtjeva je na ime izdavanja ovog vodnog akta izvršio uplatu upravne takse u iznosu od 60,00 KM, u skladu sa članom 7. stav (1) tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 (petnaest) dana od dana prijema rješenja.

Žalba se taksira se sa 15 KM takse, prema tarifnom broju 3. tarife federalnih upravnih taksi.

Obrađivač akta: Fuad Mujagić, dipl. inž.

Prilog: Ovjeren jedan primjerak Glavnog projekta

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „ASTA Bosnia“ doo , Begove kafane bb – PZ Ratkovac, Cazin 77220 (sa prilogom)
- AVP Sava, ISV – Vodna knjiga
- ① Sektor 40, arhiva
- Oglasna ploča - AVP Sava